

Porfin Papiamento por bai conta riba reconocimiento den enseñanza?

Di lenga inferior pa idioma natal

ORANJESTAD - Na ocasion di e apertura di aña académico di Instituto Pedagógico Arubano (I.P.A.), docente di Hulandes na dicho instituto drs. Joyce Pereira a tene un discurso riba e situacion -, enseñanza - y maneho lingüístico na Aruba.

Bao di e título "Iets nieuws onder de zon?" drs. Pereira a profundizá riba e tres aspectonan aki den su discurso.

E desarroyonan cu ta tumando lugar na Aruba den enseñanza riba tereno lingüístico ta pidi pa mas informacion di manera cu e problemanan por wordo mihor asercá, analizá y solucioná.

Joyce Pereira a cuminzá cu un descripcion di e situacion lingüístico na Aruba.



Después di algun problema pa haña un sitio adecuado, I.P.A. a keda hospedá den un edificio den curá di skol na San Nicolas, serca di iglesiá Maria Teresa.

Desde cu Lago a establecé na Aruba e isla aki a bira uno multilingual. E hecho cu den añanan ochenta turismo a conocé un desarroyo explosivo riba nos isla, a suscribí un biaha mas e fenómeno cultural aki. E lenga mas papiá na Aruba ta Papiamento (76.6% di e poblacion). Na di dos lugar ta bini Ingles (8.9%), na di tres lugar nos ta mira Spaño (7.4%) y Hulandes ta bin na di cuater lugá cu 5.4%. E porcentahenan aki

ta basá riba datonan di aña 1991.

Cu un bista riba e época colonial nos ta mira con e lenga Papiamento a desarroyá.

Den e arreda di siglo 18 Papiamento a desarroyá su mes asina intenso riba Aruba, Corsow y Boneiro, di manera cu el a bira un lenga mas usá y papiá riba e islanan. Papiamento a bira un lenga materna, e lenga den cual e hendenan ta comunicá cu

otro. E lenga Hulandes no por a influenciar na ningun manera e posicion dominante di Papiamento. Apesar di algun esfuerzo pa haci esaki via enseñanza.

Desde siglo 19 nos ta ripará cu Hulanda a cuminzá ta bin cu críticanan pisá riba e situacion lingüístico. Gobernanten Hulandes tabata di opinion cu den un colonia Hulandes e lenga dominante mester ta Hulandes. Papiamento ta stroba mucho e

enseñanza den e lenga colonial. Pa e colonialistanan di e tempo ey Papiamento tabata un lenga hopi diferente na esun di nan. Papiamento den nan wowo tabata un idioma barata y pover.

Na skol t'e lenga Hulandes tabata wordo enseñá. Algo cu no por a conta riba éxito y resultadonan satisfactorio. E muchanan tabatin hopi problema cu e lenga Hulandes. Masha poco mucha por a dominá e lenga y ademas e

material disponibel di e tempo ey no tabata adaptá na e situacion riba e islanan.

Hulanda tabata kier men tur cos. Tur loke tin di haber cu Hulanda of ta bin di Hulanda ta bon y ta sirbi alavez como norma pa con cosnan mester wordo hací akinan. Den wowonan di e colonialista Hulandes, tur loke ta di Aruba, loke ta propio of crioyo, ta malo y di menos calidad.

Den e aparato gubernamental "ambtenaaman" tabata obligá pa papia Hulandes durante nan oranan laboral. Na comienzo di añanan trinta Papiamento a wordo inoficialmente sacá di enseñanza.

Establecimiento di Shell na Corsow na aña 1918 a trece hopi Hulandes riba e islanan di manera cu e posicion di e lenga Hulandes den comunidad a wordo fortalecé. Na aña 1935 un ordenanza (Landsverordening) a wordo emití, declarando e idioma Hulandes como e lenga obligatorio di enseñanza.

Te awe nos ta mira ainda e idea negativo cu ta reina riba tereno lingüístico pa loke ta toca introduccion di Papiamento den enseñanza. Na Aruba tin hende cu ta contra e iniciativa aki. Hopi grupo den comunidad ta pro introduccion di Papiamento na skol. ■

Papiamento su posicion ta mas fuerte den comunidad cu esun Hulandes

ORANJESTAD - Drs. Joyce Pereira, docente den e lenga Hulandes na I.P.A. (Instituto Pedagógico Arubano) a tene Diabierna último un discurso na ocasion di apertura di aña académico di I.P.A., titulé "Iets nieuws onder de zon?"

Pa loke ta toca enseñanza di e lenga Hulandes na e skolan, drs. Pereira ta bisa lo siguiente.

E problemanan den enseñanza cu e lenga Hulandes a wordo señalá caba den añanan setenta. E tempo ey Prof. F.W. Prins y su señora A.C. Prins-Winkel a haci algun investigacion na Antiyas y a publicá e resultadonan di nan investigacionnan. E buki "Cabez duru" di señora Prins ta contené hopi dato valioso pa uso den evaluacion di e lenga Hulandes den e sistema

di enseñanza Na Antiyas y Aruba.

E tempo ey tambe maestronan na skol a cuminzá sinti con difícil ta pa enseñá Hulandes,

esaki tabata sosodé den e promé klasnan básico. Un di e motibonan pa tal decision tabata e pensamiento cu e muchanan tin derecho riba

basta Arubiano a siña dominé. Pero aceptacion como lenga natal, no tabata e caso. Durante añanan cu a sigui un situacion straño

un posicion fuerte cu Hulandes a haña den comunidad, toch nunca e por a eliminá uso di e lenga Papiamento.

Den un comunidad unda 80% di e poblacion escolar tin como lenga natal Papiamento y unda e sistema di enseñanza ta basá riba e lenga Hulandes, e riesgo ta grandi cu un situacion asina ta ocasioná "verbalismo".

Verbalismo ta referí na malconocimento di nificacion di palabranan cu ta conduci na un uso erróneo den formulacion di frasenan.

un lenga straño, na alumnonan cu ta papia henter dia Papiamento, nan lenga. Pesey tambe cierto momento hopi di nan a cuminzá haci uso di Papiamento den e lesnan cu nan ta duna. En particular

enseñanza cu ta wordo duná den Papiamento. Sinembargo mester bisa cu desde cu Hulandes a bira un lenga oficial den enseñanza, e lenga aki a bira conocí den henter Antiyas. Na Aruba

tabata reina riba e islanan. Un banda nos ta haña Hulandes como lenga oficial riba tereno di enseñanza, husticia y legislacion y otro banda bo ta haña Papiamento como lenga di comunicacion. Apesar di

Na e momentonan aki tin diferente crítica atrobe riba mal dominio di e lenga Hulandes. Awendí nan ta papia di un situacion peor cu esun anterior. E pregunta cu por wordo hací akinan ta si nos por papia di un berdadero mal dominio di e lenga Hulandes. Den ki sentido e dominio ta peor? Ki comparacion ta wordo hací?

Hecho ta cu e posicion di Papiamento den comunidad awendí ta hopi mas fuerte cu antes. Y loke ta Hulandes mester bisa cu su posicion den comunidad a bira hopi zwak mes compará cu antes. Diferente fenomenonan a contribuí na e subida y caída di e dos lenganan aki. ■